

## V. IGANDEA URTEAN ZEHAR (C)

### Otoitza

Zure betiko maitasunaz zaindu, Jauna, zeure familia;  
eta, zure grazia baitugu gure itxaropen bakarra,  
zaindu gaitzazu beti zure babesean.  
Zure Seme Jesu Kristo.

I. IRAKURGAIA: Is 6, 1-2a. 3-8

*Hona hemen ni, bidal nazazu.*

Isaias Profetaren liburutik

Ozias erregea hil zen urtean, Jauna ikusi nuen, errege aulki garai eta goiengan eserita; eta Haren jantzi barrenak jauretzea betetzen zuen. Haren gainean serafinak zeuden zutik, bakoitzak sei hegala zituela. Oihu haundiz, honela zioten elkarri:

«Santu, santu, santua Jauna, diren guztien Jainkoa;  
lur osoa Haren aintzaz beterik dago!»

Oihu harekin ateen dardar egin zuten beren orpoetan, eta jauretzea kez bete zen. Eta nik esan nuen:

«Ai ene, galdua naiz!

Ezpain zikineko gizona izanik  
eta ezpain zikineko herriaren erdian nagoena,  
nire begiek Erregea, diren guztien Jauna,  
ikusi dute».

Baina serafinetako bat etorri zitzaidan hegan, ikatz biztua eskutan zuela, aldaretik suatzez hartua, eta herekin ahoa ukitu zidan, esanez:

«Hara, honek ukitu ditu zure ezpainak;  
eta horra kendua zure errua,  
eta barkaturik zure bekatua».

Eta Jaunaren mintzoa entzun nuen esaten: «Nor bidaliko dut? Nor jaongo da gure izenean?» Eta nik erantzun: «Hona hemen ni, bidal nazazu».

ERANTZUN SALMOA: Sal 137, 1-2a. 2bcd-3. 4-5. 7c-8

R/. **Eresi egingo dizut, Jauna,  
aingeruen aurrean.**

Jauna, bihotz-bihotzez dizkizut eskerrak emango,

nire hitzak entzun dituzulako.  
Eresi egingo dizut aingeruen aurrean,  
ahuspeztuko naiz zure jauretze santuan. R/.

Eskerrak emango dizkiot zure izenari  
ona eta leiala zarelako,  
zure hitzak baitu zure izena egin haundiago.  
Hotsegin nizunean, entzun ninduzun,  
eta nire bihotzean kemena indartu duzu. R/.

Eskerrak eman diezazkizute, Jauna, lurreko erregeek,  
zure ahoko hitzak entzutean.  
Ospa bitzate Jaunaren bideak:  
«Haundia da Jaunaren dirdaia benetan.» R/.

Zure eskuinak nau salbatzen,  
bukatu du Jaunak nire alde hasia;  
betiko dago, Jauna, zure maitasuna,  
ez eskutik utzi zeure eskuz egin duzuna. R/.

## II. IRAKURGAIA: 1 Ko 15, 1-11

*Hau hots egiten dugu; eta zuek hori sinesten duzue.*

San Paulo Apostoluak Korintotarrei

Senideok: [Oroitazten dizuet, neuk erakutsi nizuen Ebanjelioa, eta zuek hartu zenutena; horretan sendoki oinarrituak zaudete zuek eta horrek salbatzen zaituzte, nik erakutsi bezala eusten badiozue; bestela, alferrik sinetsiko zenuten.]

Hau zen, nik hartu bezala neuk zuei lehendabizitik emandakoa; Kristo gure bekatuengatik hil zela, Liburu Santuak esan bezala, hobiratua izan zela eta hirugarren egunean biztu zela, Liburu Santuak esan bezala; Pedrori agertu zitzaiola, eta gero Hamabiei. Gero, bostehun eta gehiago senideei batera agertu zitzaien —haietatik gehienak bizi dira oraindik, eta besteak hil ziren—. Gero Santiagori agertu zitzaion, gero apostolu guztiei; azkenik, xaxpiki bati bezala, agertu zitzaidan neuri ere.

[Apostoluetan txikiena bainnaiz ni, apostolu izenik ere merezi ez dudana Jaungoikoaren Elizaren aurka ibilia naiz eta. Baina, Jaungoikoaren graziaz naiz naizen hau, eta Haren grazia ez da alferrikakoa izan niregan; haiek guztiek baino lan gehiago egin baitut; ez, ordea, nik; Jaungoikoaren graziak, baizik, nirekin.]

Horrela, bada, bai haiek eta bai nik, hau hotsegiten dugu; eta zuek hori sinesten duzue.

EBANJELIOA: Lk 5, 1-11

**Aleluia:** Mt 4, 19

R/. Aleluia.

V/. Zatozte Nirekin –dio Jaunak–,  
eta giza arrantzale egingo zaituztet. R/.

*Denak utzita, jarraitu egin zioten.*

Jesu Kristoren Ebanjelioa San Lukasen liburutik

Aldi hartan, Jesus Genesareteko itsas bazterrean zegoelarik, eta herriak, Jaungoikoaren hitza entzun nahiz, estu inguratzen zuelarik, bi txalupa ikusi zituen itsas ertzean geldia; arrantzaleak sareak garbitzen ari ziren lehorrean. Sartu zen txalupa haietako batean, Simonenean, eta lurretik pixka bat urrutira zezala eskatu zion. Eta, eserita, txalupatik jendeari erakusten ihardun zuen.

Hitzaldia bukatu zuenean, honela esan zion Simoni: «Jo ezazu itsas zabalera, eta bota zeuen sareak arrantzurako». Simonek orduan: «Maisu, gau guztian horretan ari izan gara, eta ez dugu ezer atera; hala ere, Zuk diozunez gero, botako ditut sareak». Eta, hasi baziren hasi, izugarrizko arrantzua egin zuten: sareak lehertzeraino. Beste txalupa laguneei keinu egin zieten laguntzera etortzeko. Etorri ziren, eta bi txalupak bete zituzten, ia hondoratzeraino.

Hori ikusi zuenean, Simon Pedro Jesusen oinetan ahuspeztu zen eta esan zion: «Zoazkit, Jauna, nire ondotik, bekatari naiz eta». Izuak harturik bainzeuden bera eta lagun guztiak, ateratako arrantzuagatik; eta berdin gertatzen zitzaienten, Simonen lagun ziren Zebedeoren seme Santiagori eta Joani. Eta Jesusek esan zion Simoni: «Ez izan beldurrik; hemendik aurrera giza arrantzale izango zara».

Haiek txalupak lehorrera ekarri eta, denak utzita, jarraitu egin zioten.

### **Oparigaien gainekoa**

Jainko gure Jauna,  
gu indartzeko egin dituzu ogia eta ardoa;  
egizkizu guretzat betiko biziaren sakramentu ere.  
Jesu Kristo.

### **Jaunartze ondorengoa**

Jainko Jauna,  
ogi eta kaliza beretik hartzea eman diguzu;  
egizu, Kristorengan bat eginik bizi gaitzela  
eta fruitu ugari ekar dezagula  
munduaren salbamenerako.  
Jesu Kristo.